

四庫全書

史部

欽定四庫全書

史部

欽定續通志卷五百

八十九至
九十三

侍講學士臣羅國俊覆勘

總校官原任侍講臣王燕緒

欽定四庫全書

欽定續通志卷五十八十九

列女傳

臣等謹按列女傳例凡孝女孝婦節婦及臨難守死夫亡身殉者是宜彰微闡幽然有亂離之際能誓衆登陴克全城邑或間關報讎萬里負骨備歷艱苦以伸其志皆為巾幗之所難能錄之足裨風化者也茲採自唐至元各史依鄭志體例統為之

傳焉

唐

李德武妻裴淑英

楊慶妻王氏

房玄齡妻盧氏

獨孤師仁母王蘭英

楊三安妻李氏

樊會仁母敬氏

衛孝女無忌

鄭義宗妻盧氏

劉寂妻夏侯碎金

于敏直妻張氏

楚王靈龜妃上官氏

楊紹宗妻王氏

賈孝女

李氏妻王阿足

樊彥琛妻魏氏

李畬母

汴女李氏

崔繪妻盧氏

堅貞節婦李氏

符鳳妻玉英

高叡妻秦氏

王琳妻韋氏

盧惟清妻徐氏

饒娥

竇伯女仲女

盧甫妻李氏 王泛妻裴氏

鄒侍儼妻薄氏

金節婦

高愍女

楊烈婦

鄒保英妻奚氏
衛州侯氏

古主應妻高氏
滑州唐氏
青州王氏

賈直言妻董氏

李孝女妙法

李湍妻

董昌齡母楊氏

崔瑄祖母唐氏

王孝女和子

段居貞妻謝氏

楊舍妻蕭氏

韋雍妻蕭氏

衛方厚妻程氏

鄭孝女

李廷節妻崔氏

殷保晦妻封氏

竇烈婦

李拯妻盧氏

山陽女趙氏

周迎妻

朱延壽妻王氏

李德武妻裴氏字淑英安邑公矩之女以孝聞適德武踰歲而德武在隋坐從父金才事徙嶺南矩表離婚德武謂裴曰我遠投瘴癘必無還理于此長訣矣答曰夫天也可背乎願死無它欲割耳自誓保姆持之乃止夫姊妹在都者裴歲時致禮惟謹居不御薰澤讀列女傳

見述不更嫁者謂所親曰不踐二廷婦人之常何異而載之書後十年德武未還矩決嫁之斷髮不食矩知不能奪聽之德武更娶爾朱氏遇赦還至襄州聞其完節乃遣後妻重與裴合生三男四女貞觀中德武終于鹿城令裴後歲餘乃卒

楊慶妻王氏世充兄之女慶以河間王子為邠王守榮陽降於世充故世充妻之用為管州刺史太宗攻洛陽慶謀歸唐王曰鄭以我奉箕箒者綴公之心今負恩背

義可若何願送還東都慶不聽王謂左右曰唐勝則鄭
滅鄭安則吾夫死進退維谷何以生為乃飲藥死慶入
朝官宜州刺史

房玄齡妻盧氏失其世玄齡微時病幾死諉曰吾病革
君年少不可寡居盧泣入帷中剔一目示玄齡明無它
會玄齡愈禮之終身

王蘭英者獨孤師仁之乳母師仁父武都謀歸唐王世
充殺之師仁始三歲免死禁錮蘭英請鬻得保養許

之時喪亂餓死者籍籍王游弓道路以食師仁自啖土
飲水後詐為採薪竊師仁歸京師高祖嘉其義詔封蘭

英永壽鄉君

舊書作封
永壽郡君

楊三安妻李氏京兆高陵人

舊書作涇陽人

舅姑亡三安又死

家貧二子皆幼李晝田夜績數年間葬舅姑及夫兄弟
凡七喪遠近嗟歎太宗聞而異之賜帛三百段遣州縣
存問免其徭役

樊會仁母敬氏字像子蒲州河東人始笄適樊氏生會

仁而夫死事舅姑謹順母兄以其少諷令改嫁者數次輒泣涕自誓母兄乃潛約婚於里人至期陽稱母病以召之敬至知見給乃偽為不知者伺隙遁歸其兄追及半道敬誓以必死乃罷後會仁未冠卒時敬母又終既葬謂所親曰吾孀處不死者以母老子幼今母死子亡何生為遂號慟不食數日而死

衛孝女絳州夏人字無忌父為鄉人衛長則所殺無忌甫六歲無兄弟母改嫁逮長志報父仇會從父延客長

則在坐無忌以臂擊殺之詣吏稱父冤已報請就刑巡察使褚遂良以聞太宗免其罪給驛徒雍州賜田宅令州縣以禮嫁之

鄭義宗妻盧氏范陽士族盧彥衡之女涉書史事舅姑恭順夜有盜持兵劫其家家人皆竄匿惟姑不能去盧冒刃立姑側為賊桴捶幾死賊去人問何為不懼答曰鄰里急難尚相赴況姑可委棄耶若百有一危我不得獨生姑曰歲寒然後知松柏後凋吾乃今見婦之心貞

觀中卒

劉寂妻夏侯氏滑州胙城人字碎金父長雲為鹽城丞

喪明時劉已生二女乃求離其夫歸侍父疾兼事後母

以孝稱經五年

舊書作十五年

父亡毀不勝喪身負土作墳廬

其左寒不縣日一食者三年詔賜粟帛表異門閭後其

女居母喪亦如母行官又賜粟帛表其門

于敏貞妻張氏皖城公儉之女生三歲每父母病晝夜

省視如成人及長愈恭順適于氏聞儉病篤號泣幾絕

儉死一慟遂卒高宗懿其行賜物百段以狀屬史官

楚王靈龜妃上官氏下邳人

舊書作上邳人

石金吾將軍懷仁

之女靈龜出繼楚哀王後而本生舅姑具存妃朝夕侍

奉謹甚凡珍美非經獻不先嘗靈龜卒將葬其前妃間

氏嫁不踰年而卒又無近族議者欲不舉妃曰逝者有

知魂可無託乎乃備禮合葬間者嘉歎喪除兄弟共以

妃少無子諷使改醮泣曰丈夫以義婦人以節我未能

殉溝壑尚可御雛澤祭他昨乎將自剗則衆遂不敢彊

楊紹宗妻王氏華州華陰人二歲母亡鞠於繼母父征
遼歿繼母尋卒王年十五乃舉二母柩而立父像招魂
以奠廬於墓左永徽中詔楊氏婦在隋時父歿遼西能
招魂克葬又葬祖父母親服板築哀感行路嘉尚良深
因賜粟帛表其門閭

賈孝女濮州鄆城人年十五父為族人立基所殺其弟
彊仁尚幼孝女不肯嫁躬撫育之彊仁能自樹立教伺
立基殺之取其心肝以告父墓彊仁詣縣言狀有司論

死孝女詣闕請代弟死高宗閔歎詔并免之內徙洛陽
李氏妻王阿足深州鹿城人幼孤無兄弟惟一姊早寡
阿足歸李氏數歲夫死無子以姊高年無供養乃誓不
嫁晝耕夜織能辦生事餘二十年姊乃亡莫送如禮鄉
人服其節行爭遣女妻往師壽終于家

樊彥琛妻魏氏揚州人

舊書作楚州淮陰人

彥琛病魏曰公病且

篤不忍公獨死彥琛曰死生常道也幸養諸孤使成立
相從而死適足貽累非吾取也彥琛卒值徐敬業難魏

為賊所獲聞其知音逼令鼓箏魏曰夫亡不死今見逼
禍由手發引刀斬其指賊黨欲彊妻之固拒不從賊以
刃擬頸魏厲聲曰狗盜乃欲辱人速死吾志也乃見害
聞者傷之

李奮母者失其氏有淵識奮為監察御史得廩米量之
三斛而贏問于吏曰御史米不槩也又問車庸有幾曰
御史不償也母怒敕歸餘米償其庸因切責奮奮有孝
行乃劾倉官自言狀諸御史聞之有慙色

汴女李氏年八歲父亡殯於堂十年朝夕臨及笄母欲嫁之斷髮終養居母喪哀號過人自庀奠具廬于墓蓬頭跣足自負土以完園塋蔣松數百武后時按察使薛季昶以聞詔樹闕門閭

崔繪妻盧氏范陽人鸞臺侍郎獻之女獻有美名為來俊臣所陷左遷西鄉令而卒繪喪盧年少諸兄欲嫁之盧稱疾不許亡姊之夫工部侍郎李思沖方顯重表求繼室詔許之諸兄不敢拒將婚之夕方以告盧仍令人

防其門盧拒不可是夕出自竇冀穢蟻面還崔舍斷髮

自誓思沖以聞武后不奪也詔為浮屠尼以終

按舊書本傳稱

李思沖於神龍初為工部侍郎求續親則非武后事矣而新書作武后詔盧氏為尼所載互異

堅貞節婦李氏年十七嫁鄭廉未踰年廉死常布衣蔬

食夜忽夢男子求為妻初不許後數數夢之李自疑容

貌未衰所召即截髮垢面衣麻衣自是不復夢刺史白

大威欽其操號堅貞節婦表旌門閭名所居曰節婦里

符鳳妻某氏字玉英有美姿鳳以罪徙儋州至南海為

獠賊所殺脅王英私之對曰一婦人不足事衆男子請
推一長者賊然之乃請更衣有頃盛服立於舟罵賊沈
海而死

高叡妻秦氏叡為趙州刺史為默啜所攻州陷叡仰藥
不死至默啜所誘之降叡視秦曰君受天子恩當以
死報賊官安足榮自是皆瞑目不語默啜知不可屈乃
殺之

王琳妻韋氏士族也琳為眉州司功參軍韋不施替琳

訓二子有法後皆名聞琳卒時韋年二十五家欲彊嫁之韋固拒至不聽音樂處一室或終日不食卒著女訓行於世

盧惟清妻徐氏淄州人世客陳留惟清仕歷校書郎徐女兄之夫李宜得以罪斥惟清坐僚姻貶播川尉徐還鄉里羈食斥鈐膏采締不御會大赦徐聞闢迎惟清至荊州間惟清死二髯奴將劫徐歸下江徐知之數其罪奴不敢逼劫其貲去徐倍道行至播州足繭流血得惟清

尸以還閱歲至洛陽既葬以無子終服還陳留汴州刺史齊濟高其節以詩紀之

饒娥字瓊真饒州樂平人勤織紵頗自修整父勸漁於江遇風濤舟覆屍不出娥年十四哭水上不食三日死俄大震電水蟲多死父屍浮出鄉人異之葬其父及娥鄱水之陰建中初黜陟使鄭叔則表旌其閭河東柳宗元為立碑云

竇伯女仲女京兆奉天人永泰中草賊數千人劫其村

二女逃匿山谷賊迹而得之曳之行臨大谷伯曰我豈受汙于賊乃自投下賊大駭仲亦躍而墜京兆尹第五琦表其烈行詔旌門閭免其家徭役官為庀葬

順武縣尉盧甫妻李氏秦州成紀人父瀾永泰初為新令梁宋兵興瀾諭降劇賊數千人刺史曹昇齮賊敗之賊疑瀾賣已執瀾及其從弟渤兄弟爭求代死李見父被執亦請代父遂皆遇害又有尉氏縣尉王泛妻裴氏儀王傳巨卿之女亦俘賊中欲汙之罵曰吾衣冠子豈

愛生受汙邪賊臨以兵罵不止乃支解焉宣慰使李李卿並以狀聞詔贈李孝昌縣君裴河東縣君仍編入史冊瀾渤並贈官

鄒待徵妻薄氏待徵尉江陰袁晁亂薄為賊所掠將汙之不從出懷中待徵官誥付家媼使報待徵曰我義不辱乃投江死賊去待徵得其尸於江岸義聲動江南聞人李華作哀節婦賦

金節婦者安南賊帥陶齊亮之母也常以忠義誨齊亮

頑不受遂絕之自田而食紡而衣州里矜法焉大厯初
詔賜兩丁侍養本道使四時存問

高愍女名妹妹父彥昭事李正己及納拒命質彥昭妻
子使守濮陽建中二年彥昭挈城歸河南都統劉玄佐
納屠其家時女七歲母李憐其幼請免死為婢許之女
不肯曰母兄皆不免何賴而生因問父在所西嚮哭再
拜就死事聞德宗嘉歎詔太常賜謚曰愍諸儒爭為之
誄彥昭從立佐救寧陵復汴州累功授潁州刺史朝廷

錄其忠卒贈陝州都督

楊烈婦者李侃妻也建中末侃為項城令李希烈陷汴
分兵略定諸縣侃以城小賊銳欲逃去婦曰寇至當守
力不足則死將焉逃請重賞募死士尚可濟侃乃召吏
民入廷中曰令滿歲則去非如吏民生此土也墳墓存
焉宜相與死守忍失身奉賊乎眾泣許諾乃徇曰以瓦
石擊賊者賞千錢以刀矢殺賊者萬錢得數百人侃率
以乘城婦身自饗以享眾報賊曰項城父老義不下賊

得吾城不足為威宜亟去徒失利無益也賊大笑侃中
流矢還家婦責曰君不在人誰肯固守死於外猶愈於
牀也侃遽登城會賊將中矢死遂引去縣卒完詔遷侃
太平令先是萬歲通天初契丹寇平州鄒保英為刺史
城且陷妻奚氏率家僮及城中女丁相助固守賊退詔
封誠節夫人默啜攻飛狐縣令古立應妻高氏亦能固
守城得不陷詔封徇忠縣君史思明之叛衛州女子侯
氏滑州女子唐氏青州女子王氏相與歃血赴行營討

賊滑濮節度使許叔冀表其忠皆補果毅

賈直言妻董氏直言坐事貶嶺南以妻少乃訣曰生死不可期吾去可亟嫁董不答引繩束髮封以帛曰非君手不解使直言署之直言貶二十年乃還署帛宛然及湯沐髮墮無餘

李孝女者名妙法瀛州博野人安祿山亂被劫徙它州聞父亡欲間道奔喪其一子不忍捨竟割一乳留以行既至父已薨號踊請開父墓以視宗族不許復持刀刺

心乃為開之結廬墓左手植松柏有異鳥至後其母病或不飲食女亦不食及亡刺血書於母臂而葬廬墓終身

李湍妻某氏湍籍吳元濟軍元和中自拔歸烏重脣妻為賊縛鬻而食之至死猶號湍曰善事烏僕射觀者歎泣重脣請以其事屬史官詔可

董昌齡母楊氏世居蔡昌齡累事吳少誠少陽至元濟時為吳房令母常密戒曰逆順成敗兒可圖之昌齡未

決徙郾城楊復曰逆賊欺天神所不福當速降無以我累兒為忠臣吾死不恨會朝廷討蔡逼郾城昌齡乃降並說賊將鄧懷金歸款憲宗喜即拜郾城令兼監察御史昌齡謝曰母之訓也帝嗟嘆元濟囚楊欲殺者屢矣蔡平而母在陳許節度李遜表之封北平郡太君

崔瑄祖母唐氏

按唐書柳玭傳附載崔瑄祖母唐夫人升堂乳姑事今為立傳編次于此謹識

博陵人事姑以孝聞瑄曾祖母長孫氏年高無齒唐每旦擲縱筭拜階下升堂乳姑長孫不粒食而康寧者數

年一日姑病言無以報吾婦願子孫皆如婦孝其後琯
為山南西道節度使昆弟子孫之盛士族罕比識者以
為孝婦之報

王孝女徐州人字和子元和中父兄皆為防秋卒戍涇
州吐蕃寇邊並戰死和子年十七單身被髮徒跣縗裳
抵涇屯弓護二喪歸葬植松柏翦髮壞容廬墓所節度
使王智興白狀詔旌其門

段居貞妻謝氏字小娥洪州豫章人居貞本歷陽俠少

年聚歲餘與謝父同賈江湖上並為盜所殺小娥赴江
流得救以免轉側丐食至上元夢父及夫告所殺主名
離析其文為十二言持問內外姻莫能曉隴西李公佐
占得其意曰殺若父者必申蘭若夫必申春小娥乃詭
服為男子與傭保雜物色歲餘得蘭于江州春于獨樹
浦蘭與春從兄弟乃名盜也小娥託傭蘭家以謹信自
効蘭寢倚之小娥見所盜段謝服用故在益知所夢不
疑出入二期以伺其便它日蘭盡集羣偷釃酒蘭與春

醉卧廬中小娥閉户拔佩刀斬蘭首因大呼鄰里捕賊
鄉人共禽春得賊千萬其黨數十小娥悉疏其人上之
官皆抵死乃始自言狀刺史張錫嘉其烈白觀察使使
不為請還豫章人爭聘之不許祝髮為尼垢衣糲飯終
身

楊舍妻蕭氏父歷為撫州長史以官卒母亦亡蕭年十
六與媚皆毀貌載二喪還鄉里貧不能給舟庸次宣州
戰烏山舟子委柩去蕭結廬水濱與婢穿績納棺成墳

時松柏朝夕臨有馴鳥縞兔茵芝之祥長老等為立舍
歲時進粟縑以親未葬喪滿不釋縗人高其行或請昏
女曰我弱不能北還君誠為我致二柩葬故里請事君
子於是舍以高安尉罷歸聘之既葬二親乃釋服而歸

楊

韋雍妻蕭氏雍字和叔擢進士第張弘靖鎮幽州表授
觀察判官朱克融亂雍被劫蕭聞難執雍袂與俱出左
右格之不退雍臨刃蕭呼曰我義不苟生願今日死君

前刑者斷其臂乃殺雍蕭詞氣不撓觀者哀歎是夕死
大和中節度使楊志誠表其烈詔贈蘭陵縣君

衛方厚妻程氏大和中方厚為雍州錄事參軍招討使
董昌齡治無狀方厚數爭事昌齡怒將執付吏辭以疾
不免即以死告臥棺中昌齡知之使闔棺甚牢方厚閉
久以絕程懼并死不敢哭昌齡恬不疑厚遣其喪程徒
行詣闕叩右銀臺門自刎陳寃下御史鞠治得實昌齡
乃得罪開成初詔封程武昌縣君賜一子九品正員官

鄭孝女兗州瑕丘人父神佐為戍卒戰死慶州時母已
亡又無兄弟女時年二十四即翦髮毀形自往慶州護
喪還鄉里與母合葬廬墓下手樹松柏成林初許適牙
兵李玄慶至是謝不嫁大中中兗州節度使蕭俶狀于
朝詔旌其閭

李廷節妻崔氏乾符中廷節為邠城尉王仙芝攻汝州
廷節被執賊見崔姝美將妻之詔曰我士人妻死亡有
命豈受賊汙賊怒剗其心食之

殷保晦妻封氏封教孫也名絢字景文能文章草隸保
晦歷校書郎黃巢入長安保晦逃匿賊悅封色欲取之
固拒不答賊怒脅以劍封罵曰我公卿子守正而死猶生
也終不辱逆賊手遂遇害保晦歸見封死號慟而絕
竇烈婦者河南人朝邑令畢某妻初同州軍亂令匿望
仙里不知所舍乃仇家也夜半盜入梓令首欲殺之竇
泣蔽捍苦持賊袂中刃幾死不解令得脫走賊亦去京
兆間之歸酒帛醫藥而愈

李拯妻盧氏美姿能屬文拯字昌時咸通末擢進士累
遷考功郎中黃巢亂避地平陽僖宗召為翰林學士帝
出寶雞陷于嗣襄王愬愬敗拯死盧伏屍哭王行瑜兵
逼之不從脅以刃斷一臂死

山陽女趙氏父盜鹽當論死女詣官訴曰迫飢而盜救
死爾情有可原能原之邪否則請俱死有司義之許減
父死女曰身今為官所賜願依浮屠法以報即毀服截
耳侍父疾終身不嫁

周迪妻某氏迪善賈往來廣陵會畢師鐸亂人相掠賣以食迪飢將絕妻曰今欲歸不兩全親在君不可并死願見賣以濟君行迪不忍妻固與詣肆售得數千錢以奉迪尋至肆見妻首已在析矣迪裹餘體歸葬之

朱延壽妻王氏延壽事楊行密為壽州刺史惡行密不臣與寧國節度使田頎謀絕之以歸唐事泄行密以計召延壽欲與揚州延壽信之將行王曰若得揚州成宿志矣然願日一介為驗許之及為行密所殺介不至王

曰事敗矣即部家僕授兵器方闔扉而捕騎至遂出私帑施民發百燎焚牙居呼天曰我誓不為讎人辱赴火死

五代

臣等謹按五代史無列女傳茲於馮道傳前節取王凝妻李氏事補入以符鄭例

王凝妻李氏家青齊間素貧凝為虢州司戶參軍以疾卒於官一子尚幼李攜其子負其遺骸以歸東過開封

止旅舍旅舍主人見其婦人獨攜一子疑之不許其宿
李顧天已暮不肯去主人牽其臂出之李仰天長慟曰
我為婦人不能守節而此手為人執邪不可以一手并
汚吾身即引斧自斷其臂路人見者環聚而嗟之或為
之彈指或為之泣下開封尹聞之白其事於朝官為賜
藥封瘡厚卹李氏而咎其主人

欽定續通志卷五百八十九

欽定四庫全書

欽定續通志卷五百九十

列女傳

宋

朱娥

江夏民婦張氏

彭列女

郝節娥

開封民婦朱氏

包總妻崔氏

貝州趙氏女

張晉卿妻丁氏

孫氏婦項氏

王氏二婦

張弼妻徐氏

馬元穎妻榮氏

吳永年妻何氏

永年婦

滕縣董氏女

王宣妻曹氏

丁國兵妻

南劍州民婦

吳琪妻譚氏

李科妻
謝氏

陳公緒妻劉氏

羅江張氏女

范孝純妻師氏

陳堂前王氏

歐陽希文妻廖氏

李生妻
梁氏

王表妻趙氏

涂端友妻陳氏

蕪湖詹氏女

劉生妻歐陽氏

朱雲孫
妻劉氏

劉當可母王氏

婦杜氏

曾氏妻晏氏

謝泌妻侯氏

樂氏
二女

謝枋得妻李氏

王貞婦

趙淮妾

譚氏婦趙氏

吳中孚妻

呂仲洙女良子

永春林老女

童八娜

韓氏女希孟

王氏婦梁氏

劉全祖妻林氏

毛惜惜

朱娥者越州上虞朱回女也母早亡養于祖媼里中朱
顏與媼競持刀欲殺媼一家驚潰娥時十歲獨號呼突
前擁蔽其媼手挽顏衣不釋曰寧殺我毋殺媼也連被
數十刀猶力挽顏衣媼得脫顏忿娥斷其喉以死事聞
賜其家粟帛其後會稽令董為娥立像于曹娥廟歲時
配享焉

張氏鄂州江夏民婦里惡少謝師乞持刀至其家欲逼

與亂張大罵不從至以刃斷其喉猶能走擒師乞以告
隣人既死朝廷聞之詔封旌德縣君表其墳曰列女墓
賜酒帛令郡縣致奠

彭列女生洪州分寧農家從父泰入山伐薪父遇虎將
不脫女拔刀斫虎奪其父而還事聞詔賜粟帛敕州縣
歲時存問

郝節娥嘉州娼家女生五歲母娼苦貧賣於洪雅良家
為養女始笄母奪歸欲令世其娼娥不樂母日逼之娥

曰少育良家習織作組紉之事足以給母朝夕求終為良母益怒洪雅春時為蠶叢祠母與邑少年期因蠶叢具酒邀娥母與娥徐往娥見少年倉皇驚走母挽拌不使去不得已留坐中顧酒食輒唾強飲之則嘔噦滿地少年卒不得侵凌暮歸過鷄鳴渡娥度他日必不可脫陽渴求飲投江死鄉人謂之節娥云

朱氏開封民婦也家貧賣巾屨簪珥以給其夫夫日與俠少飲博不以家為事犯法徙武昌父母欲奪嫁之朱

曰何迫我如是耶夫將行一夕自經死且曰及吾夫未去使知我不為不義屈也開封府判官吳充作阿朱詩以道其事

崔氏合淝包總妻總樞密副使拯之子早亡惟一稚兒拯夫婦意崔不能守也使左右嘗其心崔遂垢涕泣出堂下見拯自矢無它後稚兒亦卒母呂自荊州來誘崔欲嫁其族人因謂曰喪夫守子子死孰守崔曰昔之留也非以子也舅姑故也今舅歿姑老矣將舍去乎呂怒

詛罵曰我寧死此決不獨歸獨爾同往也崔泣曰母遠來義不當使母獨還然到荊州儻以不義見迫必絕於尺組下願以屍還包氏遂偕去母見其誓必死卒還包氏

趙氏貝州人王則反聞趙氏有殊色使人劫致之欲納為妻趙日號泣慢罵求死賊愛其色不殺多使人守之趙知不脫乃紿曰必欲妻我宜擇日以禮聘賊信之使歸其家家人懼其自殞得禍于賊益使人守視賊具聘

來迎趙與家人訣曰吾不復歸此矣家人曰汝忍不為
家族計趙曰第亡患遂涕泣登輿去至州廨舉簾視之
已自縊輿中矣尚書屯田員外郎張寅有趙女詩

張晉卿妻丁氏新鄭人參知政事度五世孫也靖康中
與晉卿避金兵於大隗山為金兵所得挾之鞍上丁自
投于地大罵求死誓不受辱復挾上馬罵不已遂擊殺
之

項氏吉州吉水人居永昌里適同里孫氏宣和七年為

里胥所逮至中途欲侵凌之項引刀自刺死郡以聞詔
贈孺人旌表其閭

王氏二婦汝州人建炎初金人至汝州二婦為所掠擁
置舟中遂投漢江死屍皆浮出不壞人為收葬之城外
江上為雙塚表之

徐氏和州人閔中女也適同郡張弼建炎三年金人攻
維揚官軍望風奔潰多肆擄掠執徐欲汙之徐瞋目大
罵曰朝廷蓄汝輩以備緩急既不能赴難又乘時為盜

我恨一女子不能引劍斷汝頭以快衆憤肯為汝辱以苟活耶第速殺我賊慙恚刺殺之投之江中

榮氏疑女弟也自幼如成人讀論語孝經能通大義事父母孝歸將作監主簿馬元穎建炎二年賊張遇寇儀真榮與其姑及二女走維揚姑素羸榮扶掖不忍舍俄賊至脅之不從賊殺其女脅之益急榮厲聲詬罵遂遇害

何氏吳人吳永年之妻也建炎四年金兵道三吳官兵

遁去城中人死者五十餘萬永年與其姊及妻奉母而逃母老待挾持而行卒為賊兵所得將繫其姊及何何紿曰諸君何不武耶婦人東西惟命爾金兵信之行次水濱謂其夫曰我不負君遂投于河其姊繼之

董氏沂州滕縣人許適劉氏子建炎元年盜李昱攻剽滕縣悅其色欲亂之誘諭再三女終不屈遂斷其首劉氏子聞女死狀大慟曰列女也葬之為立祠

曹氏

按王宣妻丁國兵妻南劔州民婦皆與董氏女事不相屬元不同時宋史以三婦附載董氏傳後於

合傳之例不符今
為析出另列謹識

臨淮縣人王宣妻建炎四年盜馬進
掠臨淮宣要曹氏避之曹曰我聞婦人死不出閨房賊
至宣走避曹堅卧不起賊劫之大罵不屈為所害

丁國兵妻東安縣人建炎四年盜祝友聚衆於滁州龔
家城掠人為糧國兵及其妻為所掠妻泣曰丁氏族流
亡已盡乞存夫以續其祀賊遂釋夫而害之

南劍州小常村民婦失其姓為叛卒楊就所掠欲與亂
婦毅然誓死不受汙遂遇害棄屍道旁賊退人為收瘞

屍所枕藉處跡宛然不滅每雨則乾晴則濕或削去復見覆以他土其迹愈明

譚氏英州浚陽縣人曲江村士人吳琪妻也紹興五年英州饑觀音山盜起攻剽鄉落琪竄去譚不能俱與其女被執譚有姿色盜欲妻之譚怒罵曰爾輩賊也我良家女豈若偶耶賊遂害之同時有南雄李科妻謝氏保昌故村人虔州盜囚之數日欲犯之謝唾其面曰寧萬段我不汝徇也盜怒剉之去

劉氏海州朐山人適同里陳公緒紹興末金人下山東
公緒南奔偶劉歸寧倉卒不得與偕惟挈其子庚以行
宋授以八品官後累功至正使劉留北方音問不通或
勸之改適劉守志益堅公緒亦不他娶子庚浸長傾家
貲結任俠奔走淮甸險阻備嘗者十餘年遂得迎母以
歸劉在北二十五年嘗緯蕭以自給

張氏羅江士人女母楊氏寡居一日親黨有婚會母與
女偕往其典庫雍乙者從行既就坐乙先歸會罷楊氏

歸則乙死于庫莫知殺者主名成都提刑張文饒疑楊
有私殺乙以滅口命石泉軍効治楊言與女同榻實無
他遂逮其女考掠無實吏乃掘地為坑縛母于其內旁
列熾火間以水沃之絕而復蘇者屢辭終不服一日女
謂獄吏曰我不勝苦毒將死矣願一見母吏憐而許之
既見謂曰母以清潔聞奈何受此汙辱寧死筮楚不可
自誣女今死將說寬于天言終而絕於是石泉連三日
地大震有聲如雷天雨雪屋瓦皆落邦人震恐勘官李

志寧疑其獄夕具衣冠禱于天坐廳事假寐恍有猿墜
前驚寤呼吏索之不見志寧念夢兆非殺人者素姓乎
有門卒忽言張氏饋食之人曰袁大明日袁至執而詰
之袁色動遽曰願就死問之云適盜庫金會雍歸遂殺
之楊乃得免時女死才數日也獄上郡榜所居曰孝感
坊

師氏彭州永豐人父驥政和二年省試第一宣和中為
右正言十餘日凡七八疏論權倖及廉訪使者之害而

去女適范世雍子孝純建炎初還蜀至唐州方城縣會賊朱顯終掠方城孝純先被害賊執師欲強之師罵曰我中朝言官女豈可受賊辱吾夫已死宜速殺我賊知不可屈遂害之

陳堂前漢州雒縣王氏女節操行義為鄉人所敬呼曰堂前猶私家尊其母也堂前年十八歸同郡陳安節歲餘夫卒僅一子既葬其夫事舅姑如子在日治家有法舅姑安之子日新稍長延名儒訓導既冠入太學二孫

綱絃咸篤學有聞初堂前歸夫之妹尚幼堂前教育之
及笄以厚禮嫁遣舅姑亡妹求分財產堂前盡遺室中
所有無靳色不五年妹所得財為夫所罄堂前復為買
田置屋撫育諸甥無異己子親屬有貧窶不能自存者
教養婚嫁至三四十人里有故家甘氏貧而質其季女
於酒家堂前出金贖之俾有所歸子孫遵其遺訓五世
同居並以孝友儒業著聞乾道九年詔旌其門閭

廖氏臨江軍貢士歐陽希文妻也紹興三年盜起建昌

號白鵲笠過臨江希文與妻共挾其母傳走山中為賊所追廖以身蔽姑使希文負之逃賊執廖氏廖正色叱之賊揮刃斷其耳與臂廖氏罵賊而死鄉人義而葬之是年盜彭友犯吉州龍泉李生妻梁氏義不受辱赴水死

王裘妻趙氏饒州樂平人建炎中裘監上高酒稅金兵攻筠裘解官歸去趙從之行遇金人縛以去繫裘夫婦於劉氏門而入憩息室中趙宛轉解縛并解裘謂曰君

速去俄而金人出問袁安往趙他指以誤之金人追之
不得怒趙欺已殺之袁方伏叢薄間望之悲痛歸刻趙
像以葬

涂端友妻陳氏撫州臨川人紹興九年盜起被驅入黃
山寺賊逼之不從以刃加其頸叱曰我良家子義豈爾
辱縱殺我官兵卽至爾其免乎賊知不可屈乃幽之屋
壁居數日族黨有得釋者齎金帛贖之賊引陳氏令歸
陳曰吾聞貞女不出閨閣今吾被驅至此何面目登涂

氏堂復罵賊不絕竟死之

詹氏女蕪湖人紹興初淮寇號一窠蜂破蕪湖女年十七歎曰父子無俱生理我計決矣頃之賊至欲殺其父兄女趨而前拜曰妾雖窶陋願執巾帚以贖父兄命賊釋其父兄縛女麾手使亟去無顧我我得侍將軍何所憾哉遂隨賊行過市東橋躍身入水死賊相顧駭歎去劉生妻歐陽氏吉州安福人居新樂鄉生以事出惡少來欲侵凌之歐陽不受辱死邑人劉寬作詩以弔之時

紹興十年也同縣有朱雲孫妻劉氏姑病雲孫割股肉
作糜以進而愈姑復病劉亦割股以進又愈尚書謝諤
為賦孝婦詩

王氏利州路提舉常平司幹辦公事劉當可之母也紹
定三年就養興元元兵破蜀提刑龐授檄當可詣行司
議事當可捧檄白母王毅然勉之曰汝食君祿豈可辭
難當可行元軍屠興元王義不辱大罵投江而死其婦
杜氏及婢僕五人咸及于難當可聞變奔赴江澍得母

喪以歸詔贈和義郡太夫人

曾氏婦晏氏汀州寧化人夫死守幼子不嫁紹定間寇破寧化令佐俱逃將樂縣宰黃埒令土豪王萬全王倫結約諸砦以拒賊晏首助兵糧多所殺獲賊忿其敗結集愈衆諸砦不能禦晏乃依黃牛山傍自為一砦一日賊遣數十人來索婦女金帛晏召其田丁諭曰汝曹衣食我家賊求婦女意實在我汝念主母各當用命不勝即殺我因解首飾悉與田丁田丁感激思奮晏自搥鼓

使諸婢鳴金以作其勇賊復敗退隣鄉知其可依挈家
依黃牛山避難者甚衆有不能自給者晏悉以家糧助
之於是聚衆日廣復與倫萬全共措置析黃牛山為五
砦選少壯為義丁有急則互相應援賊屢攻弗克所活
老幼數萬人知南劍州陳韓遣人遺以金帛晏悉散給
其下又遺楮幣以勞五砦之義丁名其砦曰萬安事聞
詔封晏恭人補其子承信郎

謝泌妻侯氏南豐人家貧事姑孝謹盜起所在燒殺隣

里皆逃避姑疾篤不能去侯號泣姑側盜逼之侯曰寧死不從盜刃之仆溝中賊退漸蘇見一篋在側發之皆金珠族婦以為己物侯悉歸之婦分其一以謝侯辭曰非我有不願也後姑與夫俱亡子幼父母欲更嫁之侯曰兒幸得歸隱居賢者之門忍使謝氏無後寧貧以養子雖餓死命也同縣有樂氏女父以鬻果為業紹定二年盜入境其父買舟挈家走建昌盜掠其舟將逼二女俱不從一赴水死一見殺

謝枋得妻李氏饒州安仁人美而慧通女訓諸書嫁枋
得事舅姑奉祭待賓皆有禮枋得起兵守安仁兵敗逃
入閩中元將購捕之根及其家人李氏攜二子匿貴溪
山荊棘中採草木而食至元十四年元兵縱跡至山中
令曰苟不獲李氏屠而墟李聞之曰豈可以我故累人
吾出事塞矣遂就俘明年徙囚建康或指李言曰明當
沒入矣李聞之撫二子泣左右曰雖沒入將不失為官
人妻何泣也李顧謂二子曰若幸生還善事吾姑吾不

得終養矣是夕解裙帶自經獄中枋得母桂氏尤賢達
自枋得播逃婦與孫幽遠方處之泰然無一怨語人問
之曰義所當然也人稱為賢母云

王貞婦夫家臨海人德祐二年元兵入浙東舉家被執
其舅姑與夫皆死主將見婦美欲內之婦號慟欲自殺
為奪挽不得死夜令俘囚婦人雜守之婦乃陽謂主將
曰若以吾為妻妾者欲令終身善事主君也吾舅姑與
夫死而我不為之哀是不天也不天之人將焉用之願

請為服期即惟命苟不聽我終死耳主將恐其死許之
然防守益嚴明年師還挈行至岷青楓嶺下臨絕壑婦
待守者少解嚙指出血書字山石上南望慟哭自投崖
下而死後其血皆漬入石間盡化為石天陰雨即墳起
如始書時元至治中旌之曰貞婦郡守立祠嶺上刻石
易名曰清風嶺

趙淮妾長沙人逸其姓名德祐中從淮戍銀樹埧淮兵
敗俱執至瓜洲淮見殺棄尸江濱妾俘一軍校帳中解

衣中金遺其左右且告之曰妾夙事趙運使今其尸朱
葬妾誠不能忘情願因公言使掩埋之當終身事相公
無憾矣軍校憐其言使數兵輿如江上妾聚薪焚淮骨
置瓦缶中自抱持操小舟至急流仰天慟哭躍水死
譚氏婦趙氏吉州永新人至元十四年元兵破永新趙氏
抱嬰兒隨其舅姑同匿邑校中為悍卒所獲殺其舅姑
執趙欲汙之不可臨之以刃趙罵曰吾舅死於汝吾姑
又死於汝吾寧從吾舅姑死耳遂與嬰兒同遇害血漬

於禮殿兩楹之間入軌為婦人與嬰兒狀久而宛然如新或磨以沙石不滅又燬以熾炭其狀益顯

吳中孚妻隆興進賢人少寡景定元年兵亂攜孤女自沈于縣之染步曰義不辱吾夫

呂仲洙女名良子泉州晉江人父得疾瀕殆女焚香祝天請以身代刲股為粥以進時夜中羣鵲遶屋飛噪仰視空中大星光如月者三越翼日父廖女弟細良亦相從拜禱良子卻之細良恚曰豈姊能之我不能耶守真

德秀嘉之表其居曰懿孝

林老女永春人及笄未昏紹定三年寇犯其邑女避入
山穽遇寇欲汙之不從度不能脫紹曰有金帛埋於家
盍同取之甫入門大呼曰吾寧死於家決不辱吾身賊
怒殺之越三日面如生

童八娜鄞之通遠鄉建輿人虎銜其大母女手拽虎尾
祈以身代虎為釋其大母銜女以去始林栗侍親官其
地嘗目睹之已而為守以聞于朝祠祀之

韓氏女字希孟巴陵人或曰丞相琦之裔少明慧知讀書開慶元年元兵至岳陽女年十八為卒所掠將挾以獻其主將女知不免赴水死越三日得其尸於練裙帶
有詩曰我質本瑚璉宗廟供蘋蘩一朝嬰禍難失身戎馬間寧當血刃死不作衽席完漢上有王猛江南無謝安長號赴洪流激烈摧心肝

王氏婦梁氏臨川人歸夫家才數月會元兵至一夕與夫約曰吾遇兵必死義不受汙若後娶當告我頃之夫

婦被掠有軍千戶強使從己婦給曰夫在伉儷之情有所不忍乞歸之而後可千戶以所得金帛與其夫歸之并與一矢以却後兵約行十餘里千戶即之婦拒且罵因奮搏之遂被殺有同掠脫歸者道其事越數年夫以無嗣謀更娶議輒不諧因告其故妻夜夢妻曰我死後生某氏家今十歲矣後七年當復為君婦明日遣人聘之一言而合詢其生與婦死年月同云

劉全祖妻林氏福州永福人父同

按宋史本傳訛全祖為全子永福為福清

同為公遇今並據
林空齋傳改正

官至監丞兄空齋與全祖共起義兵
事敗空齋見殺全祖亡命自經死元人執其妻具反狀
林叱曰林劉二族世為宋臣欲以忠義報國事不成天
也何為反乎汝知去歲有以血書壁而死者乎是吾兄
林空齋也吾與兄忠義之心一也死且求治汝於地下
何用生為遂遇害

毛惜惜者高郵妓女也端平二年別將榮全據城畔制
置使遣人以武翼郎招之全偽降欲殺使者方與同黨

王安等晏飲惜惜恥於供給安斥責之惜惜曰初謂太尉降為太尉更生賀令閉門不納使者縱酒不法乃畔逆耳妾雖賤奴不能事畔臣全怒殺之越三日李虎破關斬全及其妻子并王安以下預畔者百有餘人悉傳於法

欽定續通志卷五百九十

欽定四庫全書

欽定續通志卷五百九十一

列女傳

遼

邢簡妻陳氏

耶律常格

耶律努妻蕭伊遜

耶律珠展妻蕭額勒本

耶律中妻蕭綏蘭

韓慶民妻

邢簡妻陳氏營州人父陞五代時累官司徒陳氏甫笄

涉通經義凡覽詩賦輒能誦尤好吟詠時以女秀才名
之年二十歸簡孝舅姑閨門和睦親黨推重有六子陳
氏親教以經抱朴抱質皆以賢位宰相統和十二年卒
睿智皇后聞之嗟悼贈魯國夫人刻石以表其行及遷
祔遣使以祭

耶律氏太師達魯之妹小字常格幼爽秀有成人風及
長操行脩潔自誓不嫁能詩文不苟作見前人得失歷
能品藻咸雍間作文以述時政其略曰君以民為體民

以君為心人主當任忠賢人臣當去比周則政化平陰
陽順欲懷遠則崇恩尚德欲強國則輕徭薄賦四端五
典為治教之本六府三事實生民之命淫侈可以為戒
勤儉可以為師錯枉則人不敢詐顯忠則人不敢欺勿
泥空門崇飾土木勿事邊鄙妄費金帛滿當思溢安必
慮危刑罰當罪則民勸善不實遠物則賢者至建萬世
磐石之業制諸部強橫之心欲率下則先正身欲治遠
則始朝廷帝稱善時樞密使耶律伊遜愛其才屢求詩

常格遺以回文伊遜知其諷已銜之太康三年皇太子
坐事伊遜誣以罪按無迹獲免會兄達魯謫鎮州常格
與俱嘗布衣蔬食人問曰何自苦如此對曰皇儲無罪
遭廢我輩宜可美食安寢及太子被害不勝哀痛後卒
於家

耶律斡妻蕭氏小字伊遜國舅駙馬都尉托斯和之女
母呼圖克公主

按遼史有蕭托斯和傳不言其為駙馬都尉又公主表亦無呼圖克之名或托斯

和偶同姓名本非一人而所尚亦望族女也

伊遜美姿容年二十始適斡事

親睦族以孝謹聞嘗與姊姁會爭言厭魁以取夫寵伊
遜曰厭魁不若禮法衆問其故伊遜曰脩己以潔奉長
以敬事夫以柔撫下以寬毋使君子見其輕易此之謂
禮法自然取重於夫以厭魁獲寵獨不愧於心乎聞者
大慙初努與樞密使伊遜有隙及皇太子廢被誣奪爵
沒入興聖宮流烏爾古部帝以伊遜公主女欲使絕婚
伊遜辭曰陛下以妾葭莩之親使免流竄實天地之恩
然夫婦之義生死以之妾自笄年從努一旦臨難頓爾

乖離背綱常之道於禽獸何異幸陛下哀憐與努俱行
妾即死無恨帝感其言從之伊遜久在貶所親執役事
雖勞無難色事夫禮敬有加於舊壽隆中上書乞子孫
為著帳郎君帝嘉其節召舉家還子國隱乾統間始仕
保大中伊遜在臨漢謂諸子曰吾度盧彥倫必叛汝輩
速避我當死之賊至遇害

耶律珠展妻蕭氏小字額勒本國舅貝勒之女性端慤
有容色自幼與他女異年十八歸珠展謹裕貞婉娣姒

推尊之及居珠展喪極哀毀既葬謂所親曰妾今不幸
失所天生必有死理之自然天禍妾身罹此酷罰復何
依恃懷死者可見則從不可見則當與俱侍婢慰勉竟
無回意自刃而卒

耶律中妻蕭氏小字絳蘭韓國王惠之四世孫聰慧謹
愿年二十歸中事夫敬順親戚咸譽其德多涉古今天
慶中為賊所執潛置刃於履誓曰人欲汙我者即死之
至夜賊遁而免久之帝召中為五院都監中謂妻曰吾

本無官情今不能免我當以死報國汝能從我乎綏蘭
對曰謹奉教及金兵徇地嶺西盡徙其民中守節死綏
蘭悲感不形於外人怪之俄躍馬突出至中死所自殺
韓慶民妻不知其姓氏慶民事遼為宜州節度使金天
會中攻破宜州慶民不屈死以其妻配將士誓死不從
遂自殺

按本傳原列金史考慶民夫婦均為遼死事
死節自應列於遼代方為不忘其本今移正

欽定續通志卷五百九十一

欽定四庫全書

欽定續通志卷五百七十二

列女傳

金

阿林妻薩勒扎

李寶信妻王氏

雷婦師氏

康佳佳

李文妻史氏

李英妻張氏

相琪妻藥氏

瓜爾佳華善妻額勒錦

薩哈連妻通吉氏

許古妻劉氏 二女

張慥妻馮妙真

完顏長樂妻富察明秀

圖們呼圖克們妻烏庫哩氏

完顏蘇呼妻

完顏莽格妻溫特赫氏

完顏珠爾妻尹氏

蘇嗣之母白氏

聶孝女舜英

完顏仲德妻

寶符李氏 張鳳如

阿林妻薩勒扎金源郡王尼楚赫妹天輔六年黃龍府

叛卒攻鈔旁近部族時阿林從軍薩勒扎糾集附近居民得男女五百人樹營柵為保守計賊千餘來攻薩勒扎以毬為甲以裳為旗男夫授甲婦女鼓譟仗劍督戰凡三日賊去皇統二年論功封金源郡夫人大定間以其孫藥師為穆昆

李寶信妻王氏寶信為義豐縣令張覺以平州叛王氏陷賊賊欲逼室之王氏罵賊賊怒遂支解之大定十二年贈貞烈縣君

雷婦師氏夫亡孝養舅姑姑病刲臂肉飼之即愈舅姑
既沒兄師達與夫姪規其財產偽立媒證致之官欲必
嫁之縣官不能辨曲直師畏逼投縣署井中死詔有司
祭其墓賜諡曰節

康佳佳鄜州人夫早亡服闋父取之歸家許嚴沂為妻
誓死弗聽欲還夫家不可得乃投崖死詔有司致祭其
墓

李文妻史氏同州白水人夫亡服闋誓死弗嫁父強取

之歸訴姚乙為妻史不聽乙訴之官被逮遂自縊死詔有司致祭其墓

李英妻張氏英初為監察御史在中都張居濰州貞祐元年元兵取濰州入其家張盡以財物與之冀不辱已既而逼令上馬張曰我死則為李氏鬼頓坐不起遂見殺追封隴西郡夫人謚莊潔

相琪妻藥氏琪為萊州掖縣司吏貞祐三年紅襖賊陷掖縣琪與藥氏及子俱為所得賊殺琪及其子而誘藥

藥奮起以頭觸賊而仆罵曰我宜為犬彘所汙者哉賊怒殺之追封西河縣君謚莊潔

額勒錦宗室承充女明安爪爾佳華善妻夫亡寡居有衆千餘興定元年承充為上京元帥行省太平執承充應布希萬努額勒錦治廢壘修器械積芻糧以自守萬努使人招之不從乃射承充書入城額勒錦碎之曰此詐也兵急攻額勒錦與子富德督衆力戰殺數百人生擒十餘人乃解去復遣將擊萬努兵獲其將十人詔封

郡公夫人富德視功還賞承充已被執來間謂其二子
農古博斯約曰吾起身宿衛致位一品死無恨若輩皆
通顯未嘗一日報國家當思自處以為後圖二子乃冒
險自拔南走是年四月至南京

通吉氏平章達嘉努女護衛尼楚赫妹適內族薩哈連
閨門肅如薩哈連為中京留守元兵圍之疽發背不能
軍通吉氏度城必破謂曰公本無功能為外路第一等
官受國家恩最厚不幸病不能戰設若城破當率精銳

盡死報國幸無以我為慮薩哈連出巡城通吉氏取貨悉散家人艷粧盛服過於平日戒女使曰我死則扶置榻上以衾覆面舉火焚之無使兵見吾面言訖自經薩哈連從外至因命焚之城破薩哈連投壕水死

許古妻劉氏定海軍節度使仲洙女貞祐初古挈家僑居蒲城後仕于朝劉氏母子留焉既而兵圍蒲劉謂二女曰汝父在朝而兵勢如此若城破被驅一為所汙奈何不若俱死以自全攻益急劉氏與二女相繼自盡事

聞追封劉氏為郡君謚貞潔其長女謚定姜次肅姜以其事付史館

馮妙真刑部尚書延登女適進士張慥興定五年慥為洛川主簿元兵入鄜延守臣以西路輸芻粟不至檄慥詣平涼督之時延登為平涼行省員外郎慥欲偕妙真往妙真辭曰舅姑老矣雖有叔姒妾能安乎子行妾留奉養洛川破妙真從舅姑匿窟室兵索得之妙真泣與舅姑訣曰婦生不辰不得終執箕箒義不辱即攜三子

赴井死縣人從死者數十人

完顏長樂妻富察氏字明秀哀宗遷歸德以長樂為總
領將兵扈從將行富察氏曰君第致身事上無以妾為
念妾必不辱長樂一子尚幼出妻榮氏生明秀撫育如
己出崔立之變富察以幼子付婢僕與家人訣曰崔立
不道強人妻女兵在城下吾何所逃惟一死不負吾夫
耳汝等惟善養幼子遂自縊死

為庫哩氏伯祥妹臨洮總管圖們呼圖克們妻伯祥朝

貴中聲譽籍甚呼圖克們死王事崔立之變烏庫哩氏
謂家人曰吾夫不辱朝廷我敢辱吾兄及吾夫乎即自
縊一婢從死

完顏蘇呼妻亡其姓氏當崔立之變謂所親曰吾夫有
天下重名吾豈肯隨衆陷身以辱吾夫今日一死固當
但不可離吾家而死即自縊於室

完顏莽格妻溫特赫氏莽格五朵山宣差提控和勒博
子系出蕭王叔父伊都節度秦州為元兵所攻適病不

能軍莽格為提控獨當一面兵退而伊都死莽格以城
守功世襲穆昆收充奉御及崔立之變莽格義不受辱
與其妻訣妻曰君能為國家死我不能為君死乎一婢
曰主死婢將安歸夫婦以一繩同縊婢從之

尹氏完顏珠爾妻珠爾系出蕭王天興二年從哀宗為
南面元帥戰死黃陵岡妻金源郡夫人聞夫死聚家資
焚之遂自縊珠爾贈官弟長住即詔補護衛

白氏蘇嗣之之母許州人宋尚書右丞轍五世孫婦初

軾轍過俱葬郟城之小峨眉山故五世皆居許昌白氏
年二十餘即寡居服除外家迎歸兄嫂竊議改醮白氏
牽車徑歸曰我為蘇學士家婦乃欲使我失身乎自是
外家非大故不往於宅東北為室畫兩先生像香火嚴
潔躬自灑埽士大夫往往過奠之天興元年許州被兵
嗣之為汴京廟官白拜辭兩先生前曰兒子往京師老
婦死無恨敢以告即自縊室側家人并屋焚之嗣之本
名宗之避諱改

聶孝女字舜英尚書左右司員外郎天驥長女適進士
張伯豪伯豪卒歸父母家崔立之變天驥被創甚舜英
謁醫救療至刲股肉以進而天驥竟死時京城圍久食
盡有嫁妻易一飽者重以剽奪暴凌無復人理舜英焚
父之明日絕脰而死

完顏仲德妻不知其族氏崔立之變自毀其容服攜妾
及二子自汴走蔡蔡被圍丁男皆棄城拒守謂仲德曰
事勢若此丈夫能為國出力婦人獨不能耶率諸命婦

自作一軍親運矢石於城下城中婦女爭出繼之城破
自盡

哀宗寶符李氏國亡從后妃北遷至宣德州居摩訶院
日夕寢處佛殿中作旃旆會當赴龍庭將發即於佛像
前自縊死天興元年元兵攻城矢石之際忽見一女子
呼于城下曰我倡女張鳳奴也許州破被俘至此彼軍
不日去矣諸君努力堅守無為所欺言竟投濠死朝廷
遣使馳祭于西門

欽定續通志卷五百九十二

欽定四庫全書

欽定續通志卷五百九十三

列女傳

元

周珠赫妻崔氏

李伯通妻周氏

郭三妻楊氏

劉平妻胡氏

建德王
氏女

闕文興妻王氏

朱進士妻郎氏

東平鄭氏
安西楊氏

大寧杜氏

秦氏二女

河間孫氏女
廬州張氏女

安豐許氏女

袁天祐妻焦氏

張興祖
妻周氏

趙孝婦

霍氏二婦尹氏楊氏

任氏三婦
田氏三婦

王德政妻郭氏

呼圖克妻濟嚕克沁

宋仲榮妻梁氏
大名趙氏

懷孟何氏

霍榮妻段氏

興和吳氏
田濟川妻武氏

謝思明妻趙氏
曹子英妻尤氏

朱虎妻茅氏

俞新之妻聞氏

李五妻
劉氏

馬英

趙玉兒

李如忠妻馮淑安

李君進妻王氏

呼圖克布哈妻伊喇氏

蕭氏妻趙哇兒

朱克彬妻周氏 費巖妻王氏
邁格妻耶律氏 鄭臘兒妻康氏

陳某妻別娥

宋堅童妻班氏

李安童妻胡氏

劉恕妻趙氏 王思忠妻張氏

劉揖妻趙氏

徐順妻彭氏 趙睢兒妻安氏

陳恭妻張氏

武壽妻劉氏 宋敬先妻謝氏

薩里妻蕭氏

魏貴妻周氏 郭灰兒妻趙氏

朱某妻丁氏

王保子妻趙氏 興州某妻魏氏

裴某妻董貴哥

張保童妻郝氏

高托卜嘉妻白氏

楊某妻盧氏

蒙古泰珠妻額卜齊

奈烏遜妻托克托沁

朱淑信

葛妙真

輝和爾氏三女

張邁努妻王氏

王義妻盧氏
楊王妻張氏

劉澤妻解氏

李伍妻張氏

鄭伯文妻丁氏

太原
白氏

趙美妻王氏

丁從信妻李氏
惠高兒妻李氏

哈喇布哈妻多托哩

李世安妻王氏

趙彬妻朱氏

王安哥

羅五十三妻貴格

臺叔齡妻劉氏

鄭全妻李智貞

陳端才妻蔡三玉

武用妻蘇氏

任仲文妻林氏

江文鑄妻范氏

趙野妻
柳氏

餘抗民婦姚氏 方寧妻宮勝娘

孟志剛妻衣氏 曹德妻侯氏 周經妻吳氏 郭惟辛妻郝氏 陳輝妻白氏

張頑住妻杜氏 李貞妻武氏 程二妻成氏 溫都爾妻張氏

湯輝妻張氏 俞士淵妻童氏

高郵張氏女 高氏婦 惠士玄妻王氏 費隱妻王氏

李景文妻徐彩鸞 周氏婦毛氏

丁尚賢妻李氏 李讓女順兒

吳守正妻禹淑靖

黃仲起妻朱氏

妾馮氏 女臨安奴
弟婦蔡氏 乳母湯氏

焦士廉妻王氏

妾杜氏
平陽趙氏

陳淑真

李宗頤妻夏婉常

秦閨夫妻柴氏

特穆爾布哈妻額森呼圖克

妾玉蓮

呂彥能姊

彥能妻劉氏 二女
子婦王氏 二孫女

劉公翼妻蕭氏

袁氏孤女

徐允讓妻潘妙圓

王琪妻
蔡氏

趙洙妻許氏

張正蒙妻韓氏

女池奴
季銳妻

何氏

女回娘

劉氏二女

婢鄭奴

于同祖妻曹氏

妾李氏

李仲義妻劉翠哥

李弘益妻申氏安氏

鄭琪妻羅妙安

周如砥女

狄恒妻徐氏

柯節婦陳氏

李馬兒妻袁氏

王士明妻李賽兒

杜思綱妻陶宗媛

妹宗婉
弟婦王淑

博囉特穆爾妻高麗氏

張訥妻劉氏

子婦孫氏姚氏
張思孝妻華氏

子婦劉氏

觀音努妻布延德濟

張棟母
棟妻王氏

安志道妻劉氏

宋謙妻趙氏

子婦溫氏高氏
孫婦高氏徐氏

齊闕妻劉氏

王宗仁妻宋氏

王履讓妻齊氏

子婦蕭氏呂氏
二女二孫女

王時妻安正同

妾李氏

徐猱頭母王氏

妻岳氏
二女

程徐妻金氏

汪琰妻潘氏

燕山妻李氏
吳子恭妻蔣氏

惟德妻俞氏

崔氏周珠赫妻也從夫官平陽金將來攻城克之下令
官屬妻子敢匿者死時珠赫以使事在上黨崔急抱幼
子禎以詭計自言于將將信之使軍吏書其臂以出崔
曰婦人臂使人執而書非禮也以金賂吏使書之紙吏
曰吾知汝誠賢婦然今不敢違令崔自揎袖吏縣筆而
書焉既出有言其詐者將怒命追之崔與禎伏土窖三
日得免既與夫會未幾夫病亡崔大慟柩前放散婢僕

躬自紡績悉以貲產遺親舊有權貴使人諷求娶輒自
爬毀其面四十年未嘗妄言笑與吉會人比古烈婦云
周氏灤平石城人年十六適李伯通生一子名易金末
伯通監豐潤縣城破不知所終周與易被俘謂偕行者
曰人苟愛其生萬一受辱不如死也即自投於塹主者
怒三刃其體而去得不死遂攜易而逃間闕至汴績絳
以自給教易有成

楊氏東平須城人夫郭三從軍襄陽死戍所母欲奪嫁

之揚號痛自誓乃已久之夫骨還舅曰新婦年少終必他適可令吾子鰥居地下耶將求里人亡女骨合瘞之揚聞之益悲不食五日自經死遂與夫共葬焉

胡烈婦渤海劉平妻也至元七年平戍棗陽挈家以行夜宿沙河傍有虎至銜平去胡覺起追及之持虎足顧呼車中兒取刀殺虎虎死扶平還至季陽城求醫以傷卒縣官言狀命恤其母子仍旌異之至大間建德王氏女父出耘舍旁遇豹為所噬曳之升山父大呼女識父

聲驚趨救以父所棄鋤擊豹腦殺之父乃得生

闕文興妻王氏名醜醜建康人也文興從軍漳州為萬戶府知事王俱行至元十七年陳弔眼作亂攻漳州文興率兵與戰死之王被掠乃給賊曰俟吾葬夫即從汝也賊許之遂脫負屍還積薪焚之即自投火中死至順三年事聞贈文興侯爵謚英烈王氏貞烈夫人有司立廟祀之號雙節云

郎氏湖州安吉人宋進士朱某妻也從夫仕浙東至元

間夫歿郎護喪還至玉山里留居避盜勢家柳氏欲強聘之郎誓不從夜棄裝奉柩遁柳邀之中道力拒得免家居養姑甚謹姑嘗病郎禱于天剗股肉進啖而愈大德十一年旌美之又有東平鄭氏大寧杜氏安西楊氏並少寡守志割體肉療姑病云

秦氏二女河南宜陽人父有危疾姊閉戶默禱鑿已腦和藥進之而愈後父復病欲絕妹剗股肉置粥中小啜即甦又有河間孫氏女父病癰十年女禱于天求以身

代且吮其膿血旬月而愈許氏女安豐人父疾割股肉啖之乃痊張氏女廬州人嫁為高屋妻母病目喪明張歸省以舌舐之目忽能視州縣各以狀聞褒表之

焦氏涇陽袁天祐妻也至元二十三年天祐從軍死甘肅州焦年少宗族欲改嫁之焦哭曰袁氏不幸三世早寡自祖姑以來皆守節豈可至吾而遂廢乎吾生為袁氏婦死則葬袁氏土爾終不能改容事他人也衆不敢復言周氏澤州人嫁為安西張興祖妻年二十四興祖歿

舅姑欲使再適周弗從曰妾家祖父皆早世妾祖母妾
母竝以貞操聞妾或中道易節是忘故夫而辱先人也
忘故夫不義辱先人不孝不孝不義妾不為也居鰥三
十年奉舅姑生事死葬無違禮有司以聞竝賜旌異

趙孝婦德安應城人早寡家貧傭織于人得美食必持
歸奉姑自啖粗糲不厭嘗念姑老無棺乃以次子鬻富
家得錢買杉木治之棺成會南隣失火時南風烈甚勢
將及婦亟扶姑出避而棺重不可移乃撫膺大哭曰吾

為姑賣兒得棺無能為我救之者言畢風轉而北得不
焚人以為孝感所至

霍氏二婦尹氏楊氏鄭州人至元間尹氏夫耀卿歿姑
命其改嫁尹曰婦人之行一節而已再嫁而失節妾不忍
為也姑曰世之婦皆然何恥之有尹曰人之志不同妾
知守妾志爾姑不能強及楊氏夫顯卿繼歿慮姑欲其嫁
即先白姑曰妾聞姊如猶兄弟也如既留妾可獨去乎
願終身事吾姑姑曰汝果能若是吾復何言同處二十餘

年以節孝聞又有邠州任氏乾州田氏皆一家三婦少

寡誓不他適戮力蠶桑以養舅姑事聞竝命褒表

按王圻續

通考載永壽田大妻郝氏田二妻胥氏田三妻周氏兄弟俱死於兵諸婦年二十皆守節不嫁考元史地理志

永壽縣隸乾州蓋即此所云乾州田氏三婦也

王德政妻郭氏大名人少孤事母張氏孝謹以女儀聞於鄉及笄富貴家慕之爭求聘母不許時德政訓蒙里中年四十餘貌甚陋母以貧不能教二子欲納德政為婿使教之宗族皆不然郭氏慨然願順母志既婿囑教

二弟有成未幾德政卒郭氏年方二十餘勵節自守大德間表其家

濟嚕克沁蒙古氏年二十六夫呼圖克病卒誓不再醮孝養舅姑逾一十五年舅姑歿塵衣垢面廬墓終身又有翼城宋仲榮妻梁氏舅歿負土為墳懷孟何氏大名趙氏並以夫歿守志養舅姑以壽終親負土築其墳高三丈餘

段氏隆興霍榮妻也榮無子嘗乞人為養子榮卒段氏

年二十六養舅姑以孝稱舅姑歿榮諸父仲汶貪其產
謂曰汝子假子也可令歸宗汝無子宜改適霍氏業汝
無與焉段曰家資可不計但再醮非義尚容妾思之即
退入寢室引針刺面墨漬之誓死不貳又有興和吳氏
自刺其面成紀謝思明妻趙氏自髡其髮冀寧田濟川
妻武氏漂水曹子英妻尤氏噬指滴血並誓不更嫁各
以有司為請旌之

朱虎妻茅氏崇明人大德間虎官都水監坐罪籍其家

吏錄送茅氏及二子赴京太醫提點師某乞歸家欲妻之茅氏誓死不從母子三人以裾相結連晝夜倚抱號哭形貌銷毀師知不可奪釋之托居永明尼寺憂憤不食卒

聞氏紹興俞新之妻也大德四年新之歿聞尚少父母慮不能守欲更嫁之聞哭曰一身二夫烈婦所恥妾可無生可無恥乎即斷髮自誓父知其志篤乃不忍強姑久病風且失明聞手滌溷穢時漱口上堂舐其兩目目

為復明及姑卒與子親負土治葬朝夕悲號鄉里為之語曰欲學孝婦當問俞母又有劉氏渤海李五妻也少寡父母使再醮不從舅患疽劉禱於天數日潰吮其血乃愈既而親挽小車載舅詣岳祠以答神貺

馬氏名英河內人性孝友父喪哀毀二兄繼歿英事母甚謹又奉二寡嫂與居使得全養節及喪母卜地葬諸喪親負土為四墳手植松柏廬墓側終身不嫁趙氏女名玉兒冠州人嘗許為李氏婦未婚夫死遂誓不嫁父

母歿負土為墳

馮氏名淑安字靜君大名人山陰縣尹山東李如忠繼室也如忠初娶蒙古氏生子任數歲而卒大德五年如忠病篤馮引刀斷髮自誓不他適如忠既歿於官踰兩月遺腹生一子名伏李氏及蒙古氏之族聞如忠家多遺財相率來山陰馮氏方病乘間盡取其貲及子任去馮不與較唯餘如忠及蒙古氏柩而已久之鬻衣權厝葢山下攜其子廬墓側時年始二十二為女師以自給

父母憐其孤苦欲使更事人馮爪面流血不肯從居二

十年始護喪歸葬汶上

按揭傒斯為馮氏作家傳稱其子任伏事母極孝皆掾太守有

廉直聲元

史傳未載

李君進妻王氏遼陽人大德八年君進卒卜葬將發引

戚里咸會王謂衆曰夫婦死同穴義也吾得從良人逝

不亦可乎因撫棺大慟嘔血升許即仆地死

伊喇氏同知湖州路事耶律呼圖克布哈妻也夫歿割

耳自誓既葬廬墓側悲號不食死

趙氏名哇兒大寧人年二十夫蕭氏病劇謂哇兒曰我死汝年少若之何哇兒曰君幸自寬脫有不諱妾不獨生遂命匠制巨棺夫歿即自經死家人同棺斂葬焉

按王

圻續通考作趙哇兒妻蕭氏與元史異謹識

又有雷州朱克彬妻周氏大都

費巖妻王氏邁格妻耶律氏曹州鄭臘兒妻康氏陝州陳某妻別娥娥大同宋堅童妻班氏李安童妻胡氏晉州劉恕妻趙氏冀寧王思忠妻張氏饒州劉楫妻趙氏東平徐順妻彭氏大寧趙睢兒妻安氏陳恭妻張氏武

壽妻劉氏宋敬先妻謝氏薩里妻蕭氏古城魏貴妻周氏任城郭灰兒妻趙氏棗陽朱某妻丁氏葉縣王保子妻趙氏興州某氏妻魏氏灤州裴某妻董貴哥成都張保童妻郝氏利州高托卜嘉妻白氏河南楊某妻盧氏蒙古恭珠妻額卜齊桑烏遜妻托克沁並以早寡不忍獨生以死從夫者事聞悉命褒表或賜錢贈謚云

朱淑信山陰人少寡誓不再嫁一女妙淨幼哭父雙目失明及長擇偶者不至家貧歲凶母子相依以苦節自

厲士人王士貴重其孝乃求娶焉

葛妙真宣城民家女九歲聞日者言母年五十當死妙真悲憂祝天誓終身不嫁齋素以延母壽母後年八十一乃卒輝和爾氏三女家錢塘諸兄遠仕不歸母思之成疾三女欲慰母意共斷髮誓不嫁以養母同力侍護四十餘年母以壽終事上竝賜旌異

王氏燕人張邁努妻也年十六邁努官錢塘病歿葬城西十里外王每旦被髮步往奠伏墓慟絕久而致疾舅

姑力止其行乃已服闋舅姑欲使他適王固不從爇居三十年又有馮翊王義妻盧氏睢陽劉澤妻解氏東平楊三妻張氏並守志有節命旌其門

張義婦濟南鄒平人年十八歸里人李伍伍與從子零戍福寧未幾死戍所張家居養舅姑甚至父母舅姑病凡四割股肉救不懈及死歎曰妾夫死數千里外妾不能歸骨以葬者以舅姑父母在無所仰故也今不幸俱死而夫骨終暴棄遠土妾敢愛死乎乃臥積水上誓曰天

若許妾取夫骨雖寒甚當不死踰月竟無恙鄉人異之
相率贈錢大書其事於衣以行至福寧見零問夫葬地
則榛莽四塞不可識張哀慟欲絕夫忽降於童言動無
異生時告張死時事甚悉且指示骨所在處張如其言
發得之官義之上於大府使零護喪還給錢使葬仍旌
門復其役

丁氏新建鄭伯文妻也大德間伯文病將歿丁與訣曰
君脫有不諱妾當從但君父母已老無他子婦侍養妾

且忍死以奉其餘年必不改事他人也伯文卒丁年二十七居喪哀毀服既除父母屢議奪嫁之丁每聞必慟哭曰妾所以不死者將以事舅姑耳今舅姑在堂妾可不信于良人乎遂止舅姑病丁夙夜護視衣不解帶及死喪葬盡禮事上表其門白氏太原人夫慕釋氏教棄家為僧白氏年二十服勤績紆以養姑夫偶還迫使他適白斷髮誓不從夫不能奪乃去姑卒竭力營葬畫姑像祀之終身

趙美妻王氏內黃人至治元年美溺死王誓守志舅姑欲使更適王曰婦義無再醮且舅姑在妾可棄去耶舅姑欲以族姪與繼婚王拒不從迫之力王知不免即引繩自經死李冬兒甄城丁從信妻也年二十三從信歿服闋父母呼婦問之曰汝年少無子何以自立吾為汝再擇婿冬兒不從詣從信冢欲縊樹上家人防之不果還家入室自經死李氏濱州惠高兒妻也年二十六高兒歿父欲嫁之不從自縊死

多托哩昂吉爾氏有色善女工年二十六夫哈喇布哈卒前妻有二子皆壯無婦欲以本俗制收繼之多托哩以死自誓乃析業而居三十年以貞操聞王氏成都李世安妻也年十九世安卒弟世顯欲收繼之王不從引刃斷髮復自割其耳創甚醫療百日乃愈狀上並旌之趙彬妻朱氏名錦哥洛陽人也天厯初西兵掠河南朱被執逼與亂拒曰我良家婦豈從賊耶兵怒提曳箠楚之朱度不能脫即給之曰汝幸釋我舍後井傍有瘞金

當發以遺汝兵信之乃隨其行朱近井即抱三歲女踴
身赴井中死是歲又有僱師王氏女名安哥從父避兵
印山丁家洞兵入搜得之見其色美驅使出欲污之不
從投澗死有司言狀並表其閭

貴格蒙古氏同知宣政院事羅五十三妻也天厯初夫
以罪貶嶺南籍其家詔以貴格賜近侍茂罕茂罕親至
其家迎之貴格度不能免以飲食延茂罕于廳事如殿
自經死

臺叔齡妻劉氏順寧人也地震屋壞壓叔齡不能起家復失火叔齡母前救不得欲就焚叔齡望見呼曰吾已不可得出當亟救吾母劉謂夫姝曰汝救汝母汝兄必死吾不用復生矣即自投火中死

李智貞建寧浦城人父子明無子智貞九歲母疾調護甚謹及卒哀慟欲絕不茹葷者三年治女工奉父甘旨無乏鄉里稱為孝女父嘗許為鄭全妻未嫁從父客邵武邵武豪陳良悅其慧強納采求聘智貞斷髮拒之且

數自求死良不能辱卒歸全秦定間全病歿智貞悲泣不食數日死

蔡三玉龍溪陳端才妻也盜掠龍溪父廣瑞與端才各竄去三玉偕夫妹出避隣祠中盜入斫夫妹見三玉美

與里婦歐氏同驅納舟中迫妻之三玉佯許諾因起更

衣投水死

按續宏簡錄云後至元間寇掠龍溪里媼集里中婦女同舟避難寇追及三玉亟以水漬

衣寇視三玉有姿色欲污之三玉紿曰衣濕求更衣觸寇取衣自投水死所載與此稍異越三日屍

流至廣瑞舟側廣瑞識為女收斂之歐氏脫歸言狀有

司高其操為請表之乃命旌門復役

武用妻蘇氏真定人徙家京師用疾蘇氏刲股為粥以進疾即愈生子德政四歲而寡夫兄利其貲欲嫁之不聽夫兄死惟餘三弱孫蘇取育之德政長事蘇至孝蘇死時天大旱德政方掘地求水以供葬事忽二蛇躍出因默禱焉二蛇一東一北隨其地掘之果得泉有司上其事旌復其家

任仲文妻林氏寧海人家甚貧年二十八而寡姑患風

疾不良於行林扶侍惟謹撫育三子皆有成年一百三歲卒

江文鑄妻范氏名妙元奉化人年二十一歸于江未合
鬻夫忽以癰疾卒范曰我既入江氏門即江氏婦也遂
居其家撫諸姪如己子後卒有柳氏者薊郡人爲戶部
主事趙野妻未成婚而野卒其兄將奪其志柳曰業歸
趙氏夫婦之禮已成豈有他志哉後寢疾不肯服藥曰
我年二十六而寡今已逾半百得死此疾幸矣遂卒

姚氏餘杭人

按續宏簡錄作餘姚人與此互異

居山谷間夫出刈麥姚

居家執爨母何氏往汲澗水久不至俄聞覆水聲亟出視則虎銜其母以走姚倉卒往逐之以手毆其脇鄰人競執械以從虎乃置之而去姚負母歸求藥療之奉養二十餘年而卒又方寧妻官勝娘者建寧人夫耨田勝娘饁之見一虎方攫其夫勝娘即棄饁奮梃連擊之虎舍去勝娘負夫至中途而死有司以聞為旌復其家衣氏汴梁儒士孟志剛妻貧而無子夫死有司給以棺

木衣紿匠者曰可寬大其棺吾夫有遺衣服欲盡置其中匠者然之是夕衣具雞黍祭其夫家之所有悉散之鄰里及同居王媪遂自剄有侯氏者釣州曹德妻德病死侯氏語人曰年少夫亡婦人之不幸也欲守吾志而亂離如此其能免乎遂縊死於墓又有周經妻吳氏郭惟辛妻郝氏陳輝妻白氏張頑住妻杜氏程二妻成氏李貞妻武氏溫都爾妻張氏並夫亡自縊死事聞咸旌異之

湯輝妻張氏處州龍泉人會兵亂其家財先已移入山
砦夫與姑共守之舅以疾未行張歸任藥膳具以輿自
隨既而賊至即命以輿載其舅而已遇賊賊以刀脅之
曰從我則生否則死張請受刃賊未忍殺張懼汚即奪
其刃自刺死同邑有湯綺者美姿容賊殺其父母以刀
脅之綺以頭觸刃賊怒斫殺之其妹亦不受辱而死
俞士淵妻童氏嚴州人姑性嚴待之寡恩童柔順事之
無少拂至正十三年賊陷威平縱兵剽掠至士淵家童

以身蔽姑衆欲污之童大罵不屈一卒以刀擊其左臂
愈不屈又一卒斷其右臂罵猶不絕衆乃皮其面而去
尋死

張氏女高郵人至正中張士誠據高郵賊知張女有姿
艷叩其家索之將害其父母女不得已乃出賊挾之行
女欣然從之過橋投水死同郡有高氏婦者攜女從夫
出避亂度不免入道旁空舍脫金纏臂與女且語夫令
疾行夫挈女稍遠即自經夫抵儀真夜夢婦來告曰我

已縊死彼舍矣

惠士玄妻王氏大都人至正十四年士玄病革王曰吾聞病者糞苦則愈乃嘗其糞頗甘王色愈憂士玄囑曰我病必不起前妾所生子汝善保護之數日士玄卒比葬王居墓側蓬首垢面哀毀逾禮常以妾子置左右歲餘妾子亦死乃泣曰無復望矣屢引刀自殺家人驚救得免至終喪親舊攜酒祭墓祭畢衆欲行酒王已經死于樹矣又有王氏者良鄉費隱妻也隱有疾王數嘗其

糞及疾篤囑王善撫其妾子女遂沒王居喪撫其子女
既而子又死服除謂親屬曰夫亡子死妾何生為乃執
女手曰汝今已長稍知人事管鑰在此汝自司之遂相
抱慟哭是夜縊死園中

李景文妻徐氏名彩鸞字淑和浦城徐嗣源之女略通
經史每誦文天祥六歌必為之感泣至正十五年青田
賊寇浦城徐從父逃旁近山谷賊持刀欲害其父徐前
曰此吾父也寧殺我賊舍父而止徐拘至桂林橋厲聲

罵賊投于水賊競出之既而乘間復投水死

周婦毛氏松楊人至正十五年隨夫避亂麻鷺山中為賊所得脅之曰從我多與若金否則殺汝毛曰寧剖我心不願汝金賊以刀摩其身毛大詈賊怒剝其腸而去丁尚賢妻李氏汴梁人至正十五年賊至欲虜之李怒曰我家六世義門豈能從賊以辱身乎闔門三百餘口俱被害

李順兒許州儒士李讓女性聰慧頗涉經傳年十八未

嫁至正十五年賊陷釣州密邇許昌父謂其母曰吾家以詩禮相傳此女必累我女聞之泣曰父母可自逃難勿以我為憂至後園自經死

吳守正妻禹氏名淑靖字素清紹興人至元十六年徙家崇德之石門是年盜陷崇德淑靖倉皇攜八歲女登舟以避有盜數輩奔入其舟將犯之抱幼女投水死

黃仲起妻朱氏杭州人至正十六年張士誠寇杭州其女臨安奴倉皇言曰賊至矣我別母求一死也俄而賊驅

諸婦至其家且指朱母子曰為我看守曰暮我當至朱懼受辱遂與女俱縊死妾馮氏亦自經仲起弟妻蔡氏抱幼子玄童與乳母湯氏皆自縊及暮賊至見諸屍滿室執仲起將殺之哀求得脫遂盡掠其家財而去

焦士廉妻王氏博興人養姑至孝至正十七年毛貴亂山東官軍競出掠王被執紿曰我家墓田有藏金可共取也信之隨王至墓所王哭曰我已得死所矣實無藏金汝可於此殺我乃與妾杜氏皆遇害又有趙氏女者

平陽人年二十未嫁寇亂趙被驅迫以行度不能免給賊曰吾取所藏金以遺汝賊信之遂還投池而死

陳淑真富州陳壁之女壁故儒者避亂移家龍興淑真七歲能誦詩鼓琴至正十八年陳友諒寇龍興淑真見鄰嫗倉皇來告乃取琴坐牖下彈之曲終泫然流涕曰吾絕絃於斯乎父母怪問之曰城陷必遭辱不如早死明日賊至其居臨東湖遂溺焉水淺不死賊抽矢脅上岸不從射殺之時同郡李宗頤妻夏婉常亦儒家女與

女匿後園中賊至挾其女共投井死

秦閨夫妻柴氏晉寧人閨夫前妻遺一子尚幼柴鞠之如已出未幾柴有子閨夫病且死囑撫二幼子閨夫死柴辛勤紡績遣二子就學至正十八年賊犯晉寧其長子為賊驅迫在園中既而得脫官軍至怨家訴其為賊法當誅柴引次子詣官泣訴曰往從惡者吾次子非長子也次子曰我之罪可加於兄乎鞠之至死終不易其言決獄者反疑次子非柴所出詢之他囚始得其情義柴

之行並釋之有司上其事旌其門而復其家

額森呼圖克蒙古欽察氏大寧路達嚕噶齊特穆爾布哈之妻以夫貴封雲中郡君夫坐事免官居大寧至正十八年紅巾賊至額森呼圖克與妾玉蓮走尼寺中為賊所得令與衆婦縫衣拒不肯賊脅以刃罵曰我達嚕噶齊妻也汝曹賊耳我不能為針工以從賊遂遇害玉蓮自縊者三賊併殺之先是其子諤勒哲年十四與父出城見執於賊諤勒哲拜哭請以身代父死賊愛其姿

秀遂挈以從久之脫歸訪母屍并玉蓮葬焉

呂孀婦陵州呂彥能姊也久居彥能家至正十八年賊犯陵州彥能與家人謀所往姊曰我喪夫二十年又無後不死何為苟辱身則辱吾弟矣赴井死彥能妻劉氏曰妾為君家婦二十八年茲不幸逢亂離必不負君君可自往妾入井矣與二女及子婦王氏二孫女皆溺一門死者七人

劉公翼妻蕭氏濟南人通書史至正十八年毛貴兵將

至與夫謀曰妾詩書家女誓以冰雪自將儻城陷被執
悔將何追妾以二子一女累君去作清白鬼耳夫曰事
未至何急於此亡何城陷蕭自縊死

袁氏孤女建康路溧水縣人年十五母嚴氏孀居貧病
癰瘡卧床數年女事母至孝至正十二年兵火延其里
鄰婦強女出避火女泣曰我何忍舍母去乎入室抱母
共焚死

徐允讓妻潘氏名妙圓山陰人至正十九年與夫從舅

避兵山谷間舅被執夫泣救得脫賊遂殺其夫欲強辱
潘潘紿之曰我夫既死從汝必矣若能焚吾夫可無憾
也兵信之聚薪以焚潘遂投火死又諸暨蔡氏者王琪
妻也至正二十二年張士誠陷諸暨蔡氏避長寧鄉山
中兵猝至有造紙鑊方沸遂投其中而死

趙洙妻許氏集賢大學士有壬之姪女也至正十九年
紅巾賊陷遼陽洙時為儒學提舉夫婦共匿資善寺洙
以叱賊見害許不知也賊甘言誘之令指示金銀處許

曰吾詩書冠冕故家不幸遇難但知守節死他不知也
賊以刀脅之色不變已而知其夫死因慟哭仆地罵聲
不絕曰吾母居武昌死於賊吾女兄弟亦死賊今吾夫
又死焉使我得報汝當醢汝矣遂遇害賊退寺僧與洙
合葬焉

張正蒙妻韓氏紹興人正蒙嘗為湖州德清稅務提領
至正十九年紹興兵變正蒙謂韓氏曰吾為元朝臣子
義當死韓曰君果死忠吾必死節遂俱縊其女池奴年

十七泣曰父母既亡吾何獨生亦投崖而死

按浙江通志云次女

越奴日匿山中夜守尸側竟餓死傳未載謹附識

又何氏者龍泉季銳妻也避

兵於邑之繩門巖賊至被執欲汚之與子榮兒女回娘投崖而死

劉氏二女長曰貞年十九次曰孫年十七龍興人皆未許嫁陳友諒寇龍興其母泣謂二女曰城且破置汝何所二女曰寧死不辱父母也城陷二女登樓自縊婢鄭奴亦自縊

于同祖妻曹氏茶陵人父德夫教授湖湘間同祖有聲諸生中因以女妻焉至正二十年茶陵陷聞婦女多被驅迫謂其夫及子曰是尚可全生乎我義不辱身以累汝遂自剄死妾李氏抱持之不得亦引刀自剄絕而復蘇曰得從小君地下足矣是夕死

李仲義妻劉氏名翠哥房山人至正二十年縣大饑平章劉哈喇布哈兵乏食執仲義欲烹之劉奔救涕泣伏地告曰吾夫瘦小不足療饑幸烹吾以代夫死兵遂釋

其夫而烹劉聞者哀之

李宏益妻申氏冀寧人至正二十年賊陷冀寧申語其夫曰君當速去勿以我相累若賊至必以妾故害及君矣言訖投井死宏益再娶安氏居一歲而宏益卒安時年二十泣謂諸親曰女子一適人終身不改不幸夫死雖生何益乃自縊於柩側

鄭琪妻羅氏名妙安信州戈陽人幼聰慧能暗誦列女傳年二十歸琪琪同居百餘口羅執婦道無間言琪以

軍功擢鉛山州判官至正二十年信州陷羅度不免輒取所佩刀淬礪令銛甚瑱問何為對曰時事如此為自全計耳已而兵至自刎死

周烈女年十九未適人父如砥為紹興新昌典史至正二十年鄉民作亂如砥與女避於邑西之客僧嶺女為賊所執欲以為妻女曰我周典史女也死即死豈能從賊耶賊遂殺之

狄恒妻徐氏天台人恒早沒徐守節不再醮至正二十

年鄉氏為亂避難牛國山為賊所驅徐給之曰吾渴甚欲求水一杯賊令自汲即投井死

柯節婦陳氏者長樂石梁人至正二十二年海賊劫石梁其夫適在縣郭陳出避賊道與賊遇被執以行陳且行且罵賊亂捶之扶以登舟罵不已忽振衣自投江中死

李馬兒妻袁氏瑞州人至正二十二年馬兒沒袁年十九誓不再嫁有王成者聞袁美挾勢欲妻之袁遂往夫

墓痛哭縊死樹下

王士明妻李氏名賽兒房山人至正二十五年叛將珠展軍至縣李及其女皆被執士明隨至軍軍怒逐之李謂女曰吾與汝必不得脫與其受辱不若死女曰母先殺我李即以軍所遺鐮刀殺其女遂自殺珠展聞之為之葬祭仍書其門曰王士明妻李氏貞節之門有司上其事為樹碑焉

陶宗媛台州人儒士杜思綱妻也歸杜四載而夫亡矢

志守節台州被兵宗媛方居姑喪忍死護柩為游軍所
執迫脅之宗媛曰我若畏死豈留此耶任汝殺我以從
姑於地下爾遂遇害其妹宗婉弟妻王淑亦皆赴水死
高麗氏宣慰副使博囉特穆爾妻也至正二十七年夫
死於兵謂人曰夫既死矣吾安能復事人乎乃積薪塞
戶以火自焚死

張訥妻劉氏藍田人訥為監察御史早卒劉守志家居
河東受兵劉二子衡衍俱以事外出度不能自脫遂與

二婦孫氏姚氏同縊焉有華氏者大同張思孝妻為守
將摩該兵所執以不受辱見殺其婦劉氏僵壓姑屍大
罵不已兵併殺之後家人殮其屍婦姑手猶相持不捨
觀音努妻布延德濟蒙古氏宗王赫嚕之女大都被兵
謂其夫曰我乃國族且年少必不容於人豈惜一死以
辱家國乎遂自縊時張棟妻王氏語家人曰吾為狀元
妻義不可辱赴井死其姑哭之慟亦赴井死

安志道妻劉氏順州人志道及劉氏之弟明理並登進

士第劉避兵岩穴中軍至欲汚之叱曰我弟與夫皆進士也我豈受汝辱乎軍士以兵磨其體劉大罵不輟乃鈎斷其舌而死

宋謙妻趙氏大都人子婦溫氏高氏孫婦高氏徐氏皆有姿容明兵破大都合謀曰兵且至我等豈可苟全趙即自經死諸婦四人諸孫男女六人衆妾三人皆赴井死

齊闕妻劉氏河南彰德人關應募為河南千夫長戰死

澤潞間劉貧無所依守志不奪有來強議婚者紿之曰
吾三月三日有心願償畢當從汝是日徑往天寧寺登
浮圖絕頂祝天曰妾本名家女適河南齊關今夫已死
不敢失節遂投池而死

王宗仁妻宋氏進士繫女也宗仁家永平遇兵亂偕宋
避於鐻子山為軍所掠行至玉田縣有窺宋色美欲害
宗仁者宋謂夫曰我不幸至此必不以身累君遂攜一
女投井死

王履謙妻齊氏太原人治家嚴肅克守婦道至正十八年賊陷太原齊與二婦蕭氏呂氏及二女避難於趙莊石巖賊且至度不免顧謂二女曰汝家五世同居號為清白豈可虧節辱身以苟生哉長女曰吾夫已死今為未亡人得死為幸呂氏曰吾為中書左丞之孫義不受辱齊大哭乃與二婦二女及二孫同投崖死

王時妻安氏名正同磁州人平章政事祐孫女也至正十九年時以參知政事分省太原安從之任踰年賊陷

太原安與其妾李氏同赴井死事聞贈梁國夫人謚莊
潔

徐獯頭妻岳氏大都人明兵入都城岳告其夫曰我等
恐被驅逐將奈何夫曰事急矣惟有死耳遂火其所居
夫婦赴火死其母王氏二女一子皆抱持赴火死

金氏詳定使四明程徐

按續宏簡錄作
徐程與此異

妻也京城破謂

其女曰汝父出捍城我三品命婦汝儒家女又進士妻
不可受辱抱二歲子及女赴井死

汪琰妻潘氏徽州婺源縣人二十八而夫卒潘誓不他適以其夫從兄之子元圭為後時始三歲鞠之如已出後卒元圭之子良屋有子燕山燕山卒時妻李氏年二十四無子乃守志自誓父母欲辱嫁之不聽燕山兄子惟德娶俞氏惟德早死二子甚幼俞守節辛勤不墜家業人稱之曰三節同郡歙縣吳子恭之妻蔣氏年二十八而夫亡孀居五十年卒至正十四年旌表其閭

欽定續通志卷五百九十三